


სსიპ ლ. საყვარელიძის სახ. დაავადებათა კონტროლისა და
საზოგადოებრივი ჯანმრთელობის ეროვნული ცენტრი



დაფინანსების წყარო
„დაავადებათა ადრეული გამოვლენა და სკრინინგის“
სახელმწიფო პროგრამა
„ბავშვთა ასაკის განვითარების შეფერხება, დაავადებათა ადრეული
გამოვლენა და სკრინინგის“
კომპონენტის ფარგლებში
„ბავშვთა ასაკის მსუბუქი და საშუალო ხარისხის მენტალური
განვითარების დარღვევების პრევენციის“ მომსახურების
(CPV 85100000)

ელექტრონული ტენდერი

სატენდერო დოკუმენტაცია

თბილისი 2015 წ.

I. შესყიდვის ობიექტის დეტალური აღწერილობა:

შესყიდვის ობიექტი - „დაავადებათა ადრეული გამოვლენა და სკრინინგის“ სახელმწიფო პროგრამის „1-დან 6 წლამდე ასაკის ბავშვთა ასაკის მსუბუქი და საშუალო ხარისხის მენტალური განვითარების დარღვევების პრევენციის“ მომსახურება „2015 წლის ჯანმრთელობის დაცვის პროგრამების დამტკიცების შესახებ“ საქართველოს მთავრობის 2015 წლის 30 ივნისის N308 დადგენილების შესაბამისად.

➤ „მომსახურების“ სავარაუდო ღირებულება შეადგენს **41,500.00 (ორმოცდაერთი ათას ხუთასი) ლარს** (მათ შორის 2015 წლის დეკემბერი - **10, 375.00**, დღგ-ს გათვალისწინებით).

„მომსახურების“ გაწევის ვადა: 2015 წლის 1 სექტემბრიდან 2015 წლის 31 დეკემბრის ჩათვლით.

➤ „მომსახურების“ გაწევის ადგილი: საქართველოს ტერიტორია, გეოგრაფიული ხელმისაწვდომობის პრინციპის დაცვით.

საქართველოს მოსახლეობის 1-დან 6 წლამდე ბავშვთა ასაკის მსუბუქი და საშუალო ხარისხის მენტალური განვითარების დარღვევების პრევენციის, ადრეული დიაგნოსტიკის და გონებრივი ჩამორჩენილობის პროფილაქტიკის მიზნით მიმწოდებელმა უნდა უზრუნველყოს შემდეგი სერვისის მოწოდება:

ა) ბენეფიციართა იდენტიფიკაცია/სკრინინგი, რაც მოიცავს ნევროლოგის მიერ მონაცემთა ანალიზსა და შეფასებას, გაღრმავებული დიაგნოსტიკის აუცილებლობის განსაზღვრას (ბენეფიციართა საპროგნოზო რაოდენობა - **240**, მათ შორის დეკემბერი - **60**);

ბ) ნევროლოგის კონსულტაცია, ძილის დარღვევების კვლევა (ბენეფიციართა საპროგნოზო რაოდენობა - **240**, მათ შორის დეკემბერი - **60**);

გ) ბენეფიციართა ნეიროფსიქოლოგიური დიაგნოსტიკა - ბენეფიციარის მსხვილი და ნატიფი მოტორიკის, ექსპრესიული და რეცეპტული მეტყველების, კომუნიკაციის, შემეცნებითი უნარების, თვითმომსახურების სფეროების შეფასება, ბავშვის სუსტი და ძლიერი მხარეების გამოვლენა, ბავშვის ფსიქიკური განვითარების ასაკობრივ ნორმასთან შესაბამისობის დადგენა, რისკ-ჯგუფებში ეფგ-კვლევისა და ეპილეფტოლოგიური კონსულტაციის წარმოების აუცილებლობის განსაზღვრა (ბენეფიციართა საპროგნოზო რაოდენობა - **220**, მათ შორის დეკემბერი - **55**);

დ) ეპილეფტოლოგიური და ელექტროფიზიოლოგიური კვლევების წარმოებას (ბენეფიციართა საპროგნოზო რაოდენობა - **32**, მათ შორის დეკემბერი - **8**);

ე) ბავშვის ნეიროფსიქოლოგიური დიაგნოსტიკის საფუძველზე გამოვლენილი სუსტი და ძლიერი მხარეების გათვალისწინებით ოჯახის წევრებისათვის ბავშვის პრობლემური სფეროების განვითარებისთვის 3-თვიანი ინდივიდუალური მასტიმულირებელი პროგრამის შემუშავება;

ვ) განვითარების ინდივიდუალური გეგმების სათანადოდ განსაზღვრის შემთხვევაში მშობლების განათლებას და კონსულტაციას, რაც მოიცავს მშობლების გათვითცნობიერებას ბავშვის მდგომარეობასთან დაკავშირებით,

ზ) ინდივიდუალური გეგმისა და სხვადასხვა სფეროების განვითარების მასტიმულირებელი სავარჯიშო - თამაშების გაცნობას ბავშვთან სავარჯიშო - თამაშის მაგალითის ჩვენებითა და ილუსტრირებით.

თ) ინდივიდუალური გეგმების შედგენის შესაფასებლად ოჯახებთან კომუნიკაციას და საჭიროების შემთხვევაში გეგმის კორექციას, რაც მოიცავს მომსახურების მიღებიდან 1 კვირის შემდეგ მშობლის უკუკავშირის სპეციალისტთან ინდივიდუალური პროგრამისა და სავარჯიშოების გაუგებარი პუნქტების განმეორებით კონსულტაციას, საჭიროების შემთხვევაში გეგმის კორექციას.

ი) სკრინინგის შედეგების სტატისტიკური ანალიზი და შედეგების წარმოდგენა ეპიდემიოლოგიური ანალიზის სახით.

II. ტექნიკური დავალება:

1. პრეტენდენტის მიერ, სისტემაში ატვირთული სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა. ფასების ცხრილი (დანართი №1).

ბ. პრეტენდენტის რეკვიზიტები (დანართი №2).

გ. ინფორმაცია მატერიალურ-ტექნიკური ბაზის შესახებ;

დ. ინფორმაცია პერსონალის კვალიფიკაციის თაობაზე ან დაწესებულების ხელმძღვანელის წერილობითი ვალდებულება იმის შესახებ, რომ სათანადო პერსონალი სერტიფიცირებულია კანონმდებლობით დადგენილი წესის შესაბამისად;

ე. იმ მომსახურებებში, რომლებსაც მოქმედი კანონმდებლობის შესაბამისად ესაჭიროება ლიცენზია/ნებართვა შესაბამის საქმიანობაში, პრეტენდენტის მიერ წარმოდგენილი უნდა იქნას ლიცენზიის/ნებართვის ასლი.

ვ. ინფორმაცია ანალოგიური მომსახურების გამოცდილების შესახებ;

ზ. „მომსახურების“ განხორციელებაში მონაწილეობა უნდა მიიღონ მხოლოდ იმ ქვეკონტრაქტორებმა, რომლებსაც გააჩნიათ მსგავსი კვლევების ჩატარების გამოცდილება. „პრეტენდენტი“ ვალდებულია წარმოადგინოს ქვეკონტრაქტორების სავარაუდო სია (გამარჯვების შემთხვევაში მიმწოდებელი ვალდებულია წარმოადგინოს ქვეკონტრაქტორებთან გაფორმებული ხელშეკრულებების ასლები და შესაბამის საქმიანობებში ქვეკონტრაქტორების ლიცენზია/ნებართვის ასლები).

2. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით „პრეტენდენტი“ ავტომატურად გამოხატავს თანხმობას ამ პუნქტის „ა“-„ე“ ქვეპუნქტებში განსაზღვრულ მოთხოვნებზე:

ა. პრეტენდენტის მიერ სატენდერო წინადადების (დოკუმენტაცია) წარმოდგენა დასაშვებია უცხო ენაზე, ასეთ შემთხვევაში სატენდერო დოკუმენტაციას უნდა ახლდეს ქართულენოვანი და ნოტარიულად დამოწმებული თარგმანი.

ბ. სატენდერო წინადადებაში საერთო ფასი (ეროვნული ვალუტა) გამოსახული უნდა იყოს დღგ-ს გათვალისწინებით.

გ. ანგარიშსწორების ფორმა იქნება უნაღდო ანგარიშსწორება ლარში მიღება-ჩაბარების აქტის გაფორმებიდან არაუგვიანეს 30 კალენდარული დღისა.

დ. ანგარიშსწორება „მიმწოდებელთან“ განხორციელდება მიწოდებული „მომსახურების“ ღირებულების შესაბამისად.

ე. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია ფასწარმოქმნის ადეკვატურობის დასაბუთების მიზნით წარმოადგინოს თითოეული სტანდარტის დეტალური ჩაშლა, ხარჯთაღრიცხვა.

III. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. თბილისი, მ. ასათიანის 9, მე-2 სართული. საკონტაქტო პირი: ანანო გურჩიანი ტელ: +99532 39-89-46 (შიდა 241).

IV. სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ „პრეტენდენტთან“. წინამდებარე ხელშეკრულების პროექტის პირობები დაზუსტდება გამარჯვებული „პრეტენდენტის“ სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება №

(სახელმწიფო შესყიდვების შესახებ)

ქ. თბილისი

2015 წ.

ერთის მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ (შემდგომში „შემსყიდველი“) მისი ----- სახით და მეორეს მხრივ, (შემდგომში „მიმწოდებელი“) მისი დირექტორის სახით, აფორმებენ წინამდებარე ხელშეკრულებას შემდეგზე: სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ მიერ 2015 წლის ----- **NoSPA** გამოცხადებული ელექტრონული ტენდერის შედეგების მიხედვით „ჯანდაცვის სფეროს მომსახურების“ (CPV85100000) შესყიდვაზე.

1. ხელშეკრულების საფუძველი

1.1 „სახელმწიფო შესყიდვების შესახებ“ საქართველოს კანონი.

1.2 „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება.

1.3 „2015 წლის ჯანმრთელობის დაცვის პროგრამების დამტკიცების შესახებ“ საქართველოს მთავრობის 2015 წლის 30 ივნისის N308 დადგენილება.

1.4 დაფინანსების წყარო: „დაავადებათა ადრეული გამოვლენა და სკრინინგის“ სახელმწიფო პროგრამა.

2. ხელშეკრულების საგანი

2.1. ხელშეკრულების (შესყიდვის) ობიექტია: (შემდგომში „მომსახურება“), „ბავშვთა ასაკის მსუბუქი და საშუალო ხარისხის მენტალური განვითარების დარღვევების პრევენციის“ მომსახურება (CPV85100000).

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს () ლარს (დღგ-ს გათვალისწინებით) დანართი N1-ის შესაბამისად.

3.2. შესყიდვის ობიექტის ღირებულება განისაზღვრება „მიმწოდებლის“ მიერ წარმოდგენილი სატენდერო წინადადების ხარჯთაღრიცხვის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

3.3. ხელშეკრულებაში დაფიქსირებული ფასის შეცვლა დასაშვებია მხოლოდ შემდეგ შემთხვევებში, როდესაც:

ა) მხარეთა ურთიერთშეთანხმების შედეგად მოხდება სატენდერო წინადადებაში წარმოდგენილი ერთეულის ფასის შემცირება;

ბ) საქართველოს სამოქალაქო კოდექსის 398-ე მუხლით გათვალისწინებული გარემოებების არსებობისას.

4. ხელშეკრულების ობიექტი

4.1 საქართველოს მოსახლეობის 1-დან 6 წლამდე ბავშვთა ასაკის მსუბუქი და საშუალო ხარისხის მენტალური განვითარების დარღვევების პრევენციის, ადრეული დიაგნოსტიკის და გონებრივი ჩამორჩენილობის პროფილაქტიკის მიზნით მიმწოდებელმა უნდა უზრუნველყოს შემდეგი სერვისის მოწოდება:

4.1.1 ბენეფიციართა იდენტიფიკაცია/სკრინინგი, რაც მოიცავს ნევროლოგის მიერ მონაცემთა ანალიზსა და შეფასებას, გაღრმავებული დიაგნოსტიკის აუცილებლობის განსაზღვრას (ბენეფიციართა საპროგნოზო რაოდენობა - **240**, მათ შორის დეკემბერი - **60**);

4.1.2 ნევროლოგის კონსულტაცია, ძილის დარღვევების კვლევა (ბენეფიციართა საპროგნოზო რაოდენობა - **240**, მათ შორის დეკემბერი - **60**);

4.1.3 ბენეფიციართა ნეიროფსიქოლოგიური დიაგნოსტიკა - ბენეფიციარის მსხვილი და ნატიფი მოტორიკის, ექსპრესიული და რეცეპტული მეტყველების, კომუნიკაციის, შემცენებითი უნარების, თვითმომსახურების სფეროების შეფასება, ბავშვის სუსტი და ძლიერი მხარეების გამოვლენა, ბავშვის ფსიქიკური განვითარების ასაკობრივ ნორმასთან შესაბამისობის დადგენა, რისკ-ჯგუფებში ეფ-კვლევისა და ეპილეფტოლოგიური

კონსულტაციის წარმოების აუცილებლობის განსაზღვრა (ბენეფიციართა საპროგნოზო რაოდენობა - **220**, მათ შორის დეკემბერი - **55**);

4.1.4 ეპიდემიოლოგიური და ელექტროფიზიოლოგიური კვლევების წარმოებას (ბენეფიციართა საპროგნოზო რაოდენობა - **32**, მათ შორის დეკემბერი - **8**);

4.1.5 ბავშვის ნეიროფსიქოლოგიური დიაგნოსტიკის საფუძველზე გამოვლენილი სუსტი და ძლიერი მხარეების გათვალისწინებით ოჯახის წევრებისათვის ბავშვის პრობლემური სფეროების განვითარებისთვის 3-თვიანი ინდივიდუალური მასტიმულირებელი პროგრამის შემუშავება;

4.1.6 განვითარების ინდივიდუალური გეგმების სათანადოდ განსახორციელებლად მშობლების განათლებას და კონსულტაციას, რაც მოიცავს მშობლების გათვითნობიერებას ბავშვის მდგომარეობასთან დაკავშირებით,

4.1.7 ინდივიდუალური გეგმისა და სხვადასხვა სფეროების განვითარების მასტიმულირებელი სავარჯიშო - თამაშების გაცნობას ბავშვთან სავარჯიშო - თამაშის მაგალითის ჩვენებითა და ილუსტრირებით.

4.1.8 ინდივიდუალური გეგმების შედეგის შესაფასებლად ოჯახებთან კომუნიკაციას და საჭიროების შემთხვევაში გეგმის კორექციას, რაც მოიცავს მომსახურების მიღებიდან 1 კვირის შემდეგ მშობლის უკუკავშირის სპეციალისტთან ინდივიდუალური პროგრამისა და სავარჯიშოების გაუგებარი პუნქტების განმეორებით კონსულტაციას, საჭიროების შემთხვევაში გეგმის კორექციას.

4.1.9 სკრინინგის შედეგების სტატისტიკური ანალიზი და შედეგების წარმოდგენა ეპიდემიოლოგიური ანალიზის სახით.

5. შესყიდვის ობიექტის ხარისხი

5.1. შესყიდვის ობიექტის ხარისხი უნდა შეესაბამებოდეს ხელშეკრულებაში გათვალისწინებულ მოთხოვნებს.

5.2. „მომსახურების“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების ადგილი, ფორმა და ვადები

6.1 „მომსახურების“ გაწევის ვადაა 2015 წლის 1 სექტემბრიდან 31 დეკემბრის ჩათვლით.

6.2 „მომსახურების“ მიწოდების ადგილი - საქართველოს ტერიტორია, გეოგრაფიული ხელმისაწვდომობის პრინციპის დაცვით.

6.3 გაწეული მომსახურების ანგარიშების ადგილი - თბილისი, მ. ასათიანის ქ. #9, სსიპ ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი.

6.4 გაწეული მომსახურების ანგარიშების ფორმა - საქართველოს შრომის, ჯანმრთელობისა და სოციალური დაცვის სამინისტროს ჯანდაცვის დეპარტამენტთან შეთანხმებით შემსყიდველის ინდივიდუალური ორგანიზაციულ-სამართლებრივი აქტით დამტკიცებული ფორმები და მათი შევსების ინსტრუქცია, რომელიც განთავსებულია/განთავსდება ცენტრის ოფიციალურ ვებგვერდზე www.ncdc.ge.

6.5 „მომსახურების“ ანგარიშგება ხორციელდება დადგენილების მე-9 მუხლით განსაზღვრული ვადებისა და პირობების შესაბამისად.

7. შესყიდვის ობიექტის მიღება-ჩაბარების წესი

7.1 „მიმწოდებელი“ ყოველთვიურად წარმოადგენს ანგარიშს ნაბეჭდი და ელექტრონული (Sylfaen) სახით მის მიერ საანგარიშგებო გაწეული „მომსახურების“ შესახებ, ხელშეკრულების „6.4“ და „6.5“ პუნქტებით განსაზღვრული პირობების შესაბამისად.

7.2 „მიმწოდებელი“ „შემსყიდველის“ მოთხოვნის შემთხვევაში ვალდებულია წარმოადგინოს სრული წერილობითი ინფორმაცია „მომსახურების“ მიმდინარეობის შესახებ.

7.3 „მიმწოდებელი“ სრულად აგებს პასუხს მის მიერ მიწოდებული ანგარიშების უტყუარობაზე. „მიმწოდებელი“ ადგილზე ინახავს ანგარიშებს და პირველად დოკუმენტაციას დადგენილი წესის შესაბამისად. საჭიროების შემთხვევაში პირველივე მოთხოვნისთანავე წარუდგენს „შემსყიდველს“.

7.4 არასწორად, არასრულად ან არაკორექტულად წარმოდგენილი ანგარიშსწორების ფორმა უბრუნდება „მიმწოდებელს“ მის საბოლოო შესწორებამდე, ამასთან შედეგებზე იგი პერსონალურად აგებს პასუხს.

7.5 „შემსყიდველისა“ და „მიმწოდებელს“ შორის მომსახურების შესრულებაზე ყოველთვიურად განხორციელდება მიღება-ჩაბარების აქტის გაფორმება სამ ეგზემპლარად, რომელთაგან ორი რჩება შემსყიდველთან, ხოლო ერთი ეძლევა მიმწოდებელს.

7.6 „შემსყიდველი“ ითვალისწინებს, რომ „მიმწოდებლისათვის“ სრულადაა ცნობილი დასახული ამოცანები და მათ შესასრულებლად გამოსაყენებელი ნორმატიული დოკუმენტაცია.

8. ანგარიშსწორების წესი, ფორმა და ვადები

8.1 ანგარიშსწორების ფორმა - უნაღდო ანგარიშსწორება.

8.2 ანგარიშსწორება განხორციელდება ლარებში.

8.3 ანაზღაურება განხორციელდება მე-3, მე-6 და მე-7 მუხლებით გათვალისწინებული პირობების დაცვით, ფაქტიურად გაწეული მომსახურების მოცულობის და მომსახურების ერთეულის ღირებულების შესაბამისად.

8.4 ანაზღაურება მოხდება შესყიდვის ობიექტის მიწოდებისა და ყოველთვიური მიღება-ჩაბარების აქტის ხელმოწერის შემდეგ 30 კალენდარული დღის განმავლობაში, მოქმედი კანონმდებლობით დადგენილი პროცედურის დაცვით.

9. მხარეთა უფლება-მოვალეობები

9.1 „შემსყიდველი“ ვალდებულია:

9.1.1. აცნობოს „მიმწოდებელს“ ყველა მომხდარ ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.

9.2 „მიმწოდებელი“ ვალდებულია:

9.2.1 მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.2 აცნობოს „შემსყიდველს“ ყველა იმ ცვლილებათა შესახებ, რაც პირდაპირ ან ირიბად ეხება ხელშეკრულებას.

9.2.3 დროულად შეასრულოს ხელშეკრულებით ნაკისრი ყველა ვალდებულებანი.

9.3 „შემსყიდველი“ უფლებამოსილია:

9.3.1 მოითხოვოს „მიმწოდებლისაგან“ ხელშეკრულების ყველა პუნქტის უცლილობელი შესრულება.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

9.3.3 არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4 „მიმწოდებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების ანაზღაურება ხელშეკრულებით გათვალისწინებული ოდენობით.

9.4.2 განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

9.4.3 აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4 მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.5 მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. ხელშეკრულების პირობების შეუსრულებლობა (პირგასამტეხლო)

10.1 ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის „მიმწოდებელს“ ეკისრება პირგასამტეხლოს გადახდა.

10.2 ხელშეკრულებით ნაკისრი ვალდებულების შეუსრულებლობის და/ან იმ შემთხვევაში, თუ მიმწოდებელმა პროგრამით გათვალისწინებულ მომსახურებაზე უარი განუცხადა პროგრამის მოსარგებლეს ან მომსახურება გაუწია დაგვიანებით (მისგან დამოუკიდებელი მიზეზების გარდა), ან არასრულად, ან უხარისხოდ „მიმწოდებელს“ ეკისრება პირგასამტეხლოს გადახდა გასაწევი/გაწეული „მომსახურების“ ღირებულების სამმაგი ოდენობით.

10.3 ხელშეკრულებით გათვალისწინებული სხვა პირობების დარღვევის შემთხვევაში, „მიმწოდებელი“ იხდის პირგასამტეხლოს ხელშეკრულების ღირებულების 5%-ის ოდენობით.

10.4. იმ შემთხვევაში თუ „მიმწოდებელი“ უარს განაცხადებს ხელშეკრულების შესრულებაზე (მ.შ. შემსყიდველისათვის 2 თვით ადრე წერილობითი შეტყობინების გარეშე სახელმწიფო პროგრამიდან გასვლის შემთხვევაში) იხდის პირგასამტეხლოს ხელშეკრულების ღირებულების სამმაგი ოდენობით.

10.5. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

10.6 საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

10.7. „შემსყიდველს“ შეუძლია ასევე მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შეუსრულებლობის წერილობითი შეტყობინების შემდეგ:

10.7.1. თუ „მიმწოდებელს“ ხელშეკრულებით გათვალისწინებულ ან „შემსყიდველის“ მიერ გაგრძელებულ ვადებში არ შეუძლია მიაწოდოს „მომსახურება“;

10.7.2. თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება, რომელიც ცვლის პირობებს, რის გამოც ვერ განხორციელდება „მომსახურების“ მიწოდება სრულად ან დადგენილ ვადებში;

10.7.3 თუ ხელშეკრულების შესრულების გაგრძელება მიზანშეუწონელია „შემსყიდველის“ ფინანსური ინტერესებიდან გამომდინარე.

10.7.4. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.7.5. „მიმწოდებლის“ გაკოტრების შემთხვევაში.

10.8. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

10.9. „მიმწოდებელი“ იღებს ვალდებულებას უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში.

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ ხელშეკრულების მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებთან და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კარანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი გარემოებების ზეგავლენისაგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადაო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა თანხმობა და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადაო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული ფოსტის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. მხარეთა პასუხისმგებლობა ხელშეკრულების პირობების დარღვევისათვის

16.1. მხარეები სრულად იღებენ პასუხისმგებლობას ხელშეკრულების სრული და უპირობო შესრულებისათვის.

16.2. ამასთან მხარეები სრულად იღებენ პასუხისმგებლობას მოახდინონ მიყენებული რეალური ზარალის ანაზღაურება, რომელსაც ექნება შესაბამისი დადასტურება.

16.3. „მიმწოდებლის“ პასუხისმგებლობა, ხელშეკრულების პირობათა დარღვევის შემთხვევაში, ვრცელდება არა მარტო მისაწოდებელი „მომსახურების“ ფარგლებში, არამედ „შემსყიდველისათვის“ იმ დანახარჯების ანაზღაურებით, რაც აუცილებელი იქნება მის მიერ სახელმწიფო პროგრამის აუცილებელი შესრულებისათვის.

17. ხელშეკრულების სხვა პირობები

17.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შესწორებით და ფორმდება ხელშეკრულების დანამატის სახით, რომელიც წარმოადგენს ხელშეკრულების განუყოფელ ნაწილს.

17.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.

17.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა „სახელმწიფო შესყიდვების შესახებ“ საქართველოს კანონის, საქართველოს სამოქალაქო კოდექსით და კანონქვემდებარე აქტებით განსაზღვრული შემთხვევებისა.

17.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

18. ხელშეკრულების შესრულების კონტროლი

18.1. „მიმწოდებლის“ მიერ ნაკისრი ვალდებულებების შესრულებაზე და შესაბამისად „მომსახურების“ მიზნობრივად გატარების შესახებ „შემსყიდველი“ უფლებამოსილია:

18.1.1. უშუალოდ განახორციელოს ხელშეკრულების შესრულების კონტროლი, რომელიც შეეხება ყოველთვის „მომსახურების“ პერიოდს (ან „მომსახურების“ დასრულებულ ციკლს).

18.1.2. არ აანაზღაუროს ხელშეკრულების შესრულების კონტროლის შედეგად არაკორექტულად მიჩნეული გაწეული „მომსახურების“ ხარჯები მოქმედი კანონმდებლობის ფარგლებში.

18.2. ხელშეკრულებით გათვალისწინებული საანგარიშგებო დოკუმენტების ინსპექტირების ვადა საანგარიშგებო დოკუმენტაციის წარდგენიდან არაუმეტეს 22 სამუშაო დღე.

19. ხელშეკრულების მოქმედების ვადა

19.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.

19.2. ხელშეკრულების მოქმედების ვადა განისაზღვრება 2015 წლის ----- ჩათვლით.

19.3. ურთიერთობა მხარეებს შორის წყდება ხელშეკრულების მოქმედების ვადის გასვლის და მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

20. დამატებითი პირობები

20.1 ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ეგზემპლარი ინახება „შემსყიდველთან“.

20.2 ხელშეკრულების მონაწილე მხარეებზე ვრცელდება აგრეთვე დადგენილებით გათვალისწინებული პირობები.

20. მხარეთა რეკვიზიტები

„შემსყიდველი“

„მიმწოდებელი“

სსიპ „ლ. საყვარელიძის სახ. დაავადებათა
კონტროლისა და
საზოგადოებრივი ჯანმრთელობის ეროვნული
ცენტრი“ თბილისი, მ. ასათიანის ქ.9
საიდენტიფიკაციო კოდი 211324351
თბილისი, სახელმწიფო ხაზინა
ბ/კ TRESGE22
ა/ა GE24NB0330100200165022

საბანკო რეკვიზიტები:
ბ/კ
ა/ა
ტელ:

ბ.ა.

ბ.ა.

V. ფასების ცხრილი

შესყიდვის ობიექტი	რაოდენობა	ერთეულის ღირებულება	საერთო ღირებულება	
				მათ შორის 2015 წლის დეკემბრის

პრეტენდენტის დასახელება _____

(პრეტენდენტის ხელმოწერა და ბეჭედი)

VI. რეკვიზიტები

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი: